

ղեցեաց իւրեանց, որք ոչ կործանեցին եւ մի բնակեցելոք 'ի մէնջ 'ի նոսա եւ վկայեմ վկայութեւ Եւ ապա երաց նմա Սոփրոնիոս զդուռն քաղաքին եւ եմուտ Օմար 'ի ներքս ինքն եւ ընկերք իւր ընդ նմա, եւ բազմեցաւ 'ի գաւթի տաճարին Ս. Յարութեան. եւ 'ի մերձեալ պահու աղօթիցն, ասէ Պատրիարքն՝ ով իշխան ժողովրդեան, կաց յաղօթս 'ի տեղեղդ յորում կաս, եւ նա ասէ՝ ոչ կացից յաղօթս 'ի տեղեղ յայումիկ, եւ եհան զնա յեկեղեցին Կոստանդիանոսի, եւ արկ նմա փսիաթ 'ի մէջ եկեղեցւոյն. ասէ Օմար եւ ոչ աստանօր կացից յաղօթս, եւ ել Օմար յաստիճանն յայն որ 'ի վերայ դրան եկեղեցւոյն Կոստանդիանոսի, եկաց յաղօթս միայնակ 'ի վերայ աստիճանին, եւ ապա բազմեալ ասէ ցՍոփրոնիոս. իմանա՛ս ով Պատրիարք՝ թէ ընդէ՛ր ոչ կացի յաղօթս 'ի ներքս եկեղեցւոյդ, եւ նա ասէ՝ ոչ. ասէ՝ եթէ կացեալ էր իմ յաղօթս անդ, կորուսանէիր զայն, զի յետ անցման իմոյ տիրէին Տաճիկք այնմ ասեւով թէ աստանօր յաղօթս եկաց Օմար. Այլ մատու ինձ քարտէզ եւ գրեցից յետկար մուրհակի. եւ դրեաց թէ. Մի՛ ոք 'ի Տաճիկաց յաղօթս կացցէ 'ի վերայ աստիճանին այնորիկ, բայց եթէ մի զկնի միոյ, եւ մի ժողովեացին անդ համախումբս կալ յաղօթս, եւ մի Էջն կարդացեն 'ի վերայ. եւ զայս թուղթ ետ ցՊատրիարքն. եւ ապա ասէ Օմար թէ արդարեւ իրաւունս կալայ 'ի վերայ քո, ուրեմն տուր ինձ տեղի ինչ՝ զի շինեցից 'ի նմա զմզկիթն. եւ նա ասէ. ցուցից քեզ տեղի շինել մզկիթ, յորմէ ձեռքն թափ եղեն թագաւորք Հռովմայեցւոց 'ի շինել զնա, եւ նա է վէմն յորոյ վերայ խօսեցաւ Աստուած ընդ Յակոբայ եւ անուանեաց զնա Յակոբ դուռն երկնից, եւ որդիքն Իսրայէլի կոչեցին զնա Սրբութիւն Սրբոց, եւ եղև Տաճար որդւոցն Իսրայէլի, եւ մեծարեալ յարգեն զնա, եւ ուր ուրեք յաղօթս կային՝ ունէին զգէմս իւրեանց 'ի նա. Քանզի որպէս գրեն Պատմիչք թէ Հռոմայեցիք՝ յորժամ ընկալան զհաւատս Քրիստոսի. եւ Հեղինէ մայր Կոստանդիանոսի շինեաց զեկեղեցիս յերուսաղէմ քաղաքի, տեղի վիմին եւ շուրջանակի նորա գլուղ աւերակ, այնպէս 'ի բաց թողաւ, եւ արկին հող 'ի վերայ վիմին՝ մինչև կուտեցաւ ազբիւս մեծ. եւ յիրաւի թողին լքին զնա Հռոմայեցիք եւ ոչ մեծարեա